

ცვლილებები ძალაშია 01/09/2017–დან

ინტერნეტ-გვერდზე [www.procreditbank.ge](http://www.procreditbank.ge) განთავსებულ საბანკო მომსახურების პირობებში შევიდა შემდეგი ცვლილებები:

**1. საბანკო მომსახურების პირობების მე-11 მუხლის მე-5 პუნქტის შემდეგ დაემატა შემდეგი შინაარსის მე-6 პუნქტი:**

„6. ავტომატური პროლონგაციის (ხელშეკრულების მოქმედების ვადის ავტომატური გაგრძელების) პირობით არსებული ვადიანი ანაზრის შემთხვევაში, ვადიანი ანაზრის ხელშეკრულების მოქმედების ვადა ავტომატურად არ განახლდება იმ შემთხვევაში:

- თუ ანაზრის ხელშეკრულების განახლების მომენტისთვის ბანკში არ იქნება შესაბამისი ტიპის (შესაბამისი თანხის, შესაბამისი ვადის ან შესაბამისი ტიპის კლიენტისთვის) ანაზარი;
- თუ მეანაზრე წინამდებარე ხელშეკრულების ვადის დასრულებამდე მინიმუმ 1 სამუშაო დღით ადრე წერილობით მიმართავს ბანკს ანაზრის ავტომატური გაგრძელების გაუქმების მოთხოვნით;
- თუ, საქართველოს კანონმდებლობით გათვალისწინებულ შემთხვევებში, ბანკს უფლება არ აქვს ხელშეკრულების ვადის გაგრძელების.“

**2. საბანკო მომსახურების პირობებს დაემატა შემდეგი შინაარსის 15<sup>2</sup> მუხლი:**

**„მუხლი 15<sup>2</sup>. იურიდიული პირის შემნახველი ანაზარი “FlexSave”**

1. ბანკსა და კლიენტს შორის ფორმდება „შემნახველი ანაზრის “FlexSave” ხელშეკრულება“.
2. ხელშეკრულება იდება განუსაზღვრელი ვადით.
3. ანაზარი წარმოადგენს მოთხოვნამდე ტიპის ანაზარს და მეანაზრეს შეუძლია მრავალჯერადად გაზარდოს და/ან შეამციროს ანაზარზე არსებული თანხა ხელშეკრულების მოქმედების პერიოდში.
4. ანაზრის გასახსნელად სავალდებულო არ არის პირველადი შენატანის გაკეთება. ანაზარი შესაძლებელია გაიხსნას ნულოვანი ნაშთით. ანაზარზე პირველადი შენატანის შესრულება შესაძლებელია ნებისმიერ დროს. შესაბამისად ანაზარზე პროცენტის დარიცხვა დაიწყება თანხის განთავსების მომდევნო დღიდან.
5. ანაზარზე ნებადართული ოპერაციების შესრულების რაოდენობა და პერიოდულობა შეუზღუდავია.
6. ანაზარზე შესაძლებელია მხოლოდ თანხის გადარიცხვა/ჩარიცხვა ამავე მეანაზრის პროკრედიტ ბანკში გახსნილ მიმდინარე ანგარიშზე/ანგარიშიდან.
7. ანაზრის ხელშეკრულების შეწყვეტა და ანაზრის დახურვა შესაძლებელია მხოლოდ იმ შემთხვევაში, როცა მეანაზრე ხურავს მიმდინარე ანგარიშს ანაზრის შესაბამის ვალუტაში.
8. ანაზრის ხელშეკრულების შეწყვეტის შემთხვევაში ანაზარს, საპროცენტო სარგებლის ბოლო გადახდის თარიღიდან ანაზრის დარღვევის თარიღამდე პერიოდზე, დაერიცხება ანაზრის ხელშეკრულების შეწყვეტის მომენტისათვის ამ ანაზარზე მოქმედი საპროცენტო განაკვეთი.
9. ანაზრის ხელშეკრულების შეწყვეტის შემთხვევაში ანაზრის ანგარიშზე არსებული მთლიანი თანხა ჩარიცხება მეანაზრის მიმდინარე ანგარიშზე.
10. ანაზარზე, მისი მოქმედების მთელი პერიოდის განმავლობაში, ვრცელდება ბანკის მიერ გაწეული/გასაწევი საბანკო მომსახურების საკომისიოები და ყოველი ოპერაციის განხორციელებისას ბანკის მიერ იმ დროისათვის დადგენილი ტარიფები.“